

Ma, nema problema!

Ako i dođe neki stranac na naše prostore da boravi i radi, ono na šta prvo nabasa i što mu ostane u sjećanju, naš je odnos prema problemima i obavezama, a on glasi: „Nema problema“. Šta stoji iza toga, sociolozi i psiholozi nisu ni pokušali ispitati, a ako i kojim slučajem jesu, pošto mi to ne znamo, kao i da nisu.

Ukoliko ipak ima problema, „pametni“ su definisali i kako se ti problemi rješavaju. Oni mogu da postoje, ali uz strpljenje, na kraju, oni se sami riješe, pa čak i oni najozbiljniji i najokorijeliji problemi jednostavno nestanu.

Rečeno našim jezikom, a neko je i opjevao pa rekao da vrijeme liječi sve pa tako i probleme. Međutim, ukoliko ipak neko uzme u svoje ruke da rješava probleme, dobro bi bilo čuti par uputa:

-Nemojte nikad temeljiti planove na postizanje najboljeg mogućeg cilja, na ako se ostvari, pozdravite ga dobrodošlicom, nakon što ste ispitali svaku njegovu stranu.

-Vaši najveći problemi će uvijek dolaziti od ljudi, tako je od pamtivyjeka. Na našim prostorima važno je znati da postoje dvije vrste ljudi: ljudi koji primaju mito i oni koji ga daju. Savjet je da budete oni koji ga daju i dajite ga u svakoj prilici i svakoj

NO PROBLEM

PROBLEM

situaciji. Znajte da možete kupiti prijatelje i saveznike, vojnike i policajce, barem do neke mjere, a neprijatelje i probleme ionako dobijate besplatno.

-Uputno je zavarati druge, ali ne i sebe. To znači da dok razrađujete manipulacije, pazite da se u njih ne zapletete tako da počnete da lažete i sebe.

-Razvijte cijeli spektar reakcija na ljudske probleme „od očinskog razgovora preko žučnijeg prekoravanja, uskraćivanja plata, do teških tjelesnih ozljeda tj. rješenje problema batinama, jer batina je iz raja izašla. Međutim, morate znati da kažnjavanje kao rješenje ima ograničenja jer je dobro izbjeći upućivanje policije, konkurencije ili upravnih organa.

Slazem se i ja sa vama da su ove upute veoma komplikovane, i ne baš u našem konkretnom slučaju primjenjive, pa vam zato predlažem ako i nabasate na neki problem ili obavezu da kao i obično samo kažete: „Ma, nema problema“. Niko se neće iznenaditi kad čuje da kod nas stvarno „nema problema“.